

(Land Jurisdiction)

Claimant : FAMILY WOLU

Land : NOMPUNLOU

Presiding Magistrate : Hellen R. ARU

Justices : - Charlie Tukama

- Eli Kuras

- Moses Nimaian

Clerk : Jona Mesau

JUDGEMENT

Case blong graon NOMPUNLOU i register long Island Court long namba 4 November 1999. Court i setem date blong harem case ia long namba 16 September 2003, blong mekem declaration from kastom onasip blong graon ia, olsem wan graon we ino kat dispute long hem or wan graon we ino kat nara claimant bakeken i wantem claim from.

From we publicity blong graon ia ino folem Order 6 r. 8 long Island Court Act Cap. 167, Court i referem case ia igo back long Island Court blong mekem sua se process blong case ia i folem procedure we istap insaed long Island Court Act.

Island Court i mekem publicity bakeken, hemia wetem service message we igo long radio mo wan public notice we Clerk blong Island Court igo putum long graon ia long namba 18 September 2003. Through long notice ia public i save se Court bae i sitaon blong harem case blong graon ia long 27 October 2003.

Long date blong hearing ia, Court i findem aot se case blong graon ia hemi still undisputed, or ino kat nara man bakeken i mekem counter-claim from or i disputim claim blong graon we claimant i putum from kastom onasip blong NOMPUNLOU.

Court hemi procced folem Order 6 r. 11 long Island Court Act Cap. 167, blong enterem judgement long case ia. Hemia nao history blong graon we claimant i kivim long Court :-

Claimant i wantem Court i lukluk long wan decision blong Simanlou council of jif blong Erromango we oli mekem long namba 2 May 1986. Decision blong ol jif i soem se claimant ia nao hemi kastom ona blong graon NOMPUNLOU.



Claimant i continue blong talem se graon ia hemi blong wan bigfala jif nem blong hem Natimouk Nompuroum Urait. Ol tribes or descendant blong jif Urait ikam kasem claimant ia we oli Family Wolu. Hem nao i mekem se claimant ia i claim graon ia from hemi graon blong descendant blong hem jif Urait.


Claimant ikat tu (2) witness. Tufala witness tugeta ino talem fulap toktok be tufala i talem nomo se tufala i save se graon ia i blong claimant from ol boundry blong graon ia oli go mit wetem boundry blong tufala.

DECISION

Folem ol toktok blong claimant mo tufala witness blong hem, Court i **DECLARE** mo mekem **ORDER** se :-

FAMILY WOLU nao hemi kastom ona blong graon ia "**NOMPUNLOU**" we istap long area blong Dillons-Bay long Erromango.


Dated at Isangel, the 27th day of October 2003.




.....
Presiding Magistrate



.....
Justice




.....
Justice



.....
Justice





SAWMILL

ENTRANCE AIRPORT
Dillon's Bay

SWETEN

ARI

POTNIS

PANLU
Dillon's Bay

POTYUMAG

UNUNPONG

UNPONGKOR (DILLON'S BAY)

GERASA

BARON MONTPELLO

TO BE ADVISED

Shipping

LUNEFSEM

ORGOR

TAMSAL (RAMPUNAI AO)

PONGIL

Pongkil

PUNARI